

Guláskuddam: Sihti gullat gáktu máhtta sáme luossaguollimkultuvrav bisodit

Sámedigge ja Dálkádak- ja birásdepartemænnta gáhttu sáme sebrudagáv oassálastáttit guláskuddamij gáktu sáme luossaguollimkultuvrav bisodip ja joarkedip.

Duogásj

Sámedigge ja Ráddidus li sjehtadam dahkat aktisasj plánav sáme luossaguollimkultuvra bisodime hárráj. Sivvan dasi la luossaguollim la viek binnum mañemus jagijt sihke jágán ja nuoren, ja dat vájkkut ieme sáme luossaguollimkultuvrraj ja sihke giela ja árbbediedo doalvvomij boahhte buolvajda. Sámedigge ja Dálkádak- ja birásdepartemænnta dálá ánode vuojnojt dán plána birra.

Gatjálvisá majda Sámedigge ja Dálkádak- ja birásdepartemænnta ánode vásstádusájt

Plána vuodo l luossabivddo ájnas oasse sáme kultuvra luonndovuodos. Luossanálijt galggá guoddelis láhkáj háldadit, valla oassen dán plána bargos de ájggop árvustallat makta l vejulasj ietjá láhkáj háldadit váj sáme luossaguollimkultuvrra nanniduvvá.

Sámedigge ja Dálkádak- ja birásdepartemænnta ánode vásstádusájt dási:

1. Majt galggap dahkat váj ieme sáme luossaguollimkultuvrav bisodip, nannip ja joarkedip, dan vuolen:
 - a. dálusj luossaguollim, dan vuolen tehnikkalasj tjehpudagá, vuoge, dábe ja oahppamvuoge?
 - b. árbbediehto luosa, luossaguollima ja dan iellemguovloj birra?
 - c. sámegielak terma luosa ja luossaguollima birra, aktan bájkkenamá ja luondo ja jábij gávvidime?
 - d. luossaguollima vuojnjalasj práksisa, duola dagu gáktu ájlis sajijt la vieledam ja adnám?
 - e. bájkálasj histávrrá, diida, subttasasa ja juojga ma li luossaguollimij tjanáduvvam?
 - f. duodje, biebbmodábe ja ietjá kultuvralasj dábe ja æládusá ma luossaguollimis báhti?
 - g. ietjá árvo, práksisa jali dábe ma li oassen bierggimis sáme luossaguollinguovlojn ávdep ájgij ja dálá?
2. Mij bierri dagáduvvat váj binnet luossaguollima binnoma negatijva vájkkudusájt ulmutij ruhtadilláj, sosiála iellemij, værmádagájda ja árronij sáme guovlojn gánná luossaguollim la læhkám árroma vuodon?

Gáktu guláskuddamij oassálasstet?

Juohkkahasj guhti sihtá, bæssá ietjas vuojnov javllat. Tjálalasj guláskuddamjavllamusá sáddiduvvi skáve baktu Sámedikke næhttabielijn. Guláskuddamájggemierre: Javllamáno 31. b. 2025.

Ienep diedo ja guláskuddamskávev gávna dáppe: <https://sametinget.no/politikk/horinger/aktive-horinger/>

Jus i besa digitála skávev adnet, de besa ietjat guláskuddamvásstádusáv pástá baktu midjij sáddit.

Sámediggi –Sametinget

Postboks 3

9735 Kárášjohka/Karasjok

Guláskuddamjavllamusá li almulattja almulasjvuoda lága milta ja almoduvvi sametinget.no næhttabielen.